



Province of the  
**EASTERN CAPE**  
EDUCATION

Iphondo leMpuma Kapa: Isebe leMfundo  
Provinsie van die Oos Kaap: Department van Onderwys  
Porafensie Ya Kapa Botjhabela: Lefapha la Tluto

# **NATIONAL SENIOR CERTIFICATE**

## **KEREITI YA 12**

### **LOETSE 2024**

## **SESOTHO PUO YA LAPENG – PAMPIRI YA 3 TATAISO YA HO TSHWAYA**

**MATSHWAO: 100**

---

Tataiso ena ya ho tshwaya e na le maqephe a 10.

---

**KAROLO YA A: MOQOQO****POTSO YA 1****Dintlha tsa tataiso ya meqoqo****1.1 Ruri ho tsamaya ke ho bona.**

Mofuteng ona wa meqoqo, mohlalobuwa o pheta pale kapa ketsahalo e etsahetseng ha a tla pheta matswe ana ruri ho tsamaya ke ho bona,

**Dikahare tse ka lebellwang e ka ba tsena tse latelang:**

- Moqoqong ona mohlalobuwa a qoqe, mme a bontshe ketsahalo kapa diketsahalo tse etsahetseng ha a tla bua matswe ana ruri ho tsamaya ke ho bona.

**[50]****1.2 Tlhokeho ya mesebetsi Afrika Borwa.**

Moqoqong ona mohlalobuwa o nahanisisa ka mathata a bakwang ke tlhokeho ya mesebetsi.

**Dikahare tse ka lebellwang e ka ba tsena tse latelang:**

- Mohlalobuwa a hlalose ka moo tlhokeho ya mesebetsi e jeleng setsi ka teng.
- A ka hlalosa ka mathata a bakwang ke tlhokeho ya mesebetsi.
- A ka fana le ka tharollo bothateng bona.

**[50]****1.3 Metswalle e ka o eletsa ka lehlakoreng le leng e ka o lahlehisa.**

Moqoqong ona mohlalobuwa o hlahisa mahlakore a mabedi a taba mme o a tshehetsa ka dintlha tse utlwahalang.

**Dikahare tse ka lebellwang e ka ba tsena tse latelang:**

- Mohlalobuwa a ka bua ka dikeletso tseo a di fumanang motswalleng j,k ho mo kgothalletsa ho ithuta.
- A ka bua ka tahlehiso eo a ka e fumanang motswalleng jwalo ka ho sebedisa dithethefatsi.

**[50]****1.4 Mohlang oo ka qetela ho tsamaya bosiu.**

Moqoqong ona mohlalobuwa o lokela ho qoqa ka ho hlaka se ileng sa etsahala bosiu boo.

**Dikahare tse ka lebellwang e ka ba tsena tse latelang:**

- Mohlalobuwa a ka qolla ketsahalo e le nngwe e ileng ya mo etsahalla.
- A ka bua kamoo sena se ileng sa mo kenya tsietsing kateng, o phonyohile jwang.
- A ka bua ka thuto eo a ithutileng yona.

**[50]**

**1.5 Na batjha ba lokela ho ba le seabo dikgethong?**

Moqoqong ona mohlalobuwa o kgetha lehlakore la hae mme a le tshehetse ka dintlha tse utlwahalang.

**Dikahare tse ka lebellwang e ka ba tsena tse latelang:**

- Mohlahlobuwa ya dumellanang le sehlooho a bue ka moo ho ka bang bohlokwa ka teng ho batjha ha ba ka ba le seabo dikgethong.
- Ya hananang le sehlooho sena a bontshe ka ho se be bohlokwa ha batjha ho nkeng seabo dikgethong.

**[50]****1.6 Setshwantsho sa 1.6,1.7 le sa 1.8**

Moqoqong ona mohlalobuwa o boha setshwantsho, mme a iqapele sehlooho ka mohopolo o qholotswang maikutlong.

**Dikahare tse ka lebellwang e ka ba tsena tse latelang:**

- Moqoqong ona o ka ngolwa ho tswa lehlakoreng lefe kapa lefe, ho latela moelelo oo mohlalobuwa a o fumanang ka setshwantsho.

**[50]****MATSHWAO OHLE A KAROLO YA A: 50**

## RUBURIKI YA HO LEKANYETSA MOQOQO – SESOTHO PUO YA LAPENG [MATSHWAO A 50]

Makgetha a ho lekanyetsa		Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang	
<b>DIKAHARE LE MORALO</b>  (Tshekatsheko ya sehlooho) tlhophiso ya mehopolole dintlha, kelohlolo ya baamohedi ba ditaba, maikemisetso le maemo  <b>MATSHWAO A 30</b>	Boemo bo hodimo	<b>28–30</b> - Nehelano e bontshang kutlwiso e babatsehang ya sehlooho e supang bokgoni bo ikgethang - Mehopolole e bontsha boqhetseke, e phephetsa monahano mme ke e sutsitseng; - e hlophisitswe hantle ka tsela e ikgethang/babatsehang mme e momahane ka tshwanelo ho kenyeditswe selelekela, mmele le qetelo	<b>22–24</b> - Nehelano e ralehileng hantle haholo; - Mehopolole e tsamaellana le sehlooho ka botlalo, e a kgahlisa mme e na le bopaki ba mehopolole e sutsitseng; - e hlophisitswe hantle haholo ka tsela e ikgethang mme e momahane ka tshwanelo ho kenyeditswe selelekela, mmele le qetelo	<b>16–18</b> - Nehelano ke e kgotsofatsang ditlhoheho - Mehopolole e momahane ka tsela e kgotsofatsang le e kgodisang - e hlophisitswe ka tsela e utlwisisehang mme e momahane ka tshwanelo ho kenyeditswe selelekela, mmele le qetelo	<b>10–12</b> - Nehelano e momahane mona le mane - Mehopolole ke e seng ya boiqapelo mme e sa hlakang - Ho na le bopaki bo seng bokae ba tlhophiso le momahano ya mosebetsi	<b>4–6</b> - Nehelano e tswile lekoteng ho hang - Mehopolole ke e sa tsepamang e dubakaneng - Ha e utlwahale mme dintlha di a phetakakwa - Ha e a hlophiswa ka tshwanelo le momahano ha e yo	
		Boemo bo tlase	<b>25–27</b> - Nehelano e tswileng matsoho le ha e haellwa ke dintlha tse ikgethang tsa moqoqo o babatsehang - Mehopolole ke e sutsitseng mme e bontsha boqhetseke; - e hlophisitswe hantle ka tsela e bontshang bokgoni mme e momahane ka tshwanelo ho kenyeditswe selelekela, mmele le qetelo	<b>19–21</b> - Nehelano e radilweng hantle - Mehopolole ke e loketseng mme e thahasellisang e hlophisitswe hantle ka tsela e ikgethang mme e momahane ka tshwanelo ho kenyeditswe selelekela, mmele le qetelo	<b>13–15</b> - Nehelano e a kgotsofatsa le ha e sa hlaka mona le mane - Mehopolole e momahane le ho kgodisa ka tsela e mahareng; ho na le tlhophiso le momahano e itseng ho kenyeditswe le selelekela, mmele le qetelo.	<b>7–8</b> - Nehelano boholo e tswile lekoteng - Mehopolole ha e a momahana ka tshwanelo mme e a lahlehisa - Nehelano ha e na bopaki ba tlhophiso le momahano	<b>0–3</b> - Boitekha ha bo yo ba ho arabela sehlooho - Mehopolole e tswile lekoteng ka ho phethahala, ha e a nepahala nehelano ha e a tsepama sehloohong, mme e dubakane
	<b>Makgetha a ho lekanyetsa</b>  <b>PUO, SETAELE LE TOKISO YA DIPHOSO</b> Sehalo, rejisetara, setaele, tlhontlontse ke tse lokelang sepheo/ tshusumetso le maemo, kgetho ya mantse, tshbediso ya puo le tlwaelo, matshwao a ho bala le mopeleto  <b>MATSHWAO A 15</b>	Boemo bo hodimo	<b>14–15</b> - Sehalo, rejisetara, setaele le, tlhontlontse di loketse sepheo ka tsela e babatsehang, baamohedi ba ditaba mmoho le maemo; - tshbediso ya hae ya puo e a ikgetha, mme e bontsha boitshupo ka tsela e tsotsehang - o sebedisitse ehale se matla mme se susumetsang ka tsela e ikgethang - o batla o hloka diphoso tsa puo le tsa mopeleto o radilwe ka bokgoni bo tsotsehang	<b>11–12</b> - Sehalo, rejisetara, setaele le tlhontlontse di loketse sepheo, baamohedi ba ditaba mmoho le maemo haholo; - tshbediso ya puo e matla mme ho sebedisitse sehale se loketseng ka nako tsohle; - boholo ba mosebetsi ha o na diphoso tsa tshbediso ya puo le mopeleto - o radilwe hantle ka tshwanelo	<b>8–9</b> - Sehale, rejisetara, setaele le tlhontlontse di loketse sepheo, baamohedi ba ditaba mmoho le maemo; - tshbediso ya puo ke e loketseng, mme e fetisa moelelo ka tshwanelo - puo ya bonono ke e loketseng mme e sebedisitse ka tshwanelo - O radilwe ka tsela e mahareng feela	<b>5–6</b> - Sehale, rejisetara, setaele le tlhontlontse ha di a lokela sepheo, baamohedi ba ditaba mmoho le maemo; - puo e sebedisitse feela ka tsela ya motheo; - sehale mmoho le moelelo o hlahiswang ke tema ke tse sa lokelang; - ho sebedisitse tlhontlontse ya motheo feela	<b>0–3</b> - Puo e sebedisitswe ha se e utlwisisehang; - sehale, rejisetara, setaele le tlhontlontse ha di a lokela baamohedi ba ditaba, sepheo le maemo; - tshbediso ya tlhontlontse e haellang haholo hoo nehelano e sa utlwisisehang
			Boemo bo	<b>13</b> - Tshbediso ya puo ke e nepahetseng mme e susumetsang sehale sa tema - e batla e hloka diphoso tsa puo le tsa mopeleto - e radilwe ka bokgoni bo tsotsehang	<b>10</b> - Tshbediso ya puo ke e sefutho mme e loketseng maemo - sehale ke se matla mme se loketseng - ho na le diphoso tse seng kae tsa puo le tsa mopeleto e radilwe hantle	<b>7</b> - Tshbediso ya puo ke e kgotsofatsang le ha ho na le ho sa tsamaellane mona le mane - kakaretso sehale ke se loketseng le ha puo ya bonono e le e haellang	<b>4</b> - Puo ke ya motheo feela mme e sebedisitse ka tsela e haellang - popeho ya dipolelo ke e tshwanang e se nang motswako - tlhontlontse e haella haholo feela
<b>SEBOPEHO</b>  Makgetha a tema: Popeho ya dipolelo le kgodiso ya diratswana le bolelele bo hlokehlang  <b>MATSHWAO A 5</b>	Boemo bo	<b>5</b> - Kgodiso ya sehlooho ke e babatsehang - katoloso ya dintlha ke e ikgethang - dipolelo le diratswana di bopilwe ka tsela e ikgethang	<b>4</b> - Dintlha ke tse loketseng mme tse hodisang sehlooho - momahano e bopilweng ke e supang bokgoni - dipolelo le diratswana di loketse nehelano mme di fapafapanngwa ka tshwanelo	<b>3</b> - Dintlha tse loketseng di hodisa sehlooho ka tsela e mahareng - dipolelo le diratswana di bopilwe ka tsela e mahareng - moqoqo o ntse o hlahisa moelelo	<b>2</b> - Tse ding tsa dintlha ke tse utlwahalang - dipolelo le diratswana di na le diphoso - Moqoqo o a utlwisiseha le ha o le diphoso	<b>0–1</b> - Dintlha tsa bohlokwa di a haella - dipolelo le diratswana tse hlahisitswe ke tse fosahetseng - moqoqo ha o na moelelo o lebelletswe	
		<b>MATSHWAO</b>	<b>40–50</b>	<b>30–39</b>	<b>20–29</b>	<b>10–19</b>	<b>0–9</b>

**KAROLO YA A: MOQOQO****MATSHWAO A SEBEDISWANG HO BONTSHA DIPHOSO HA HO TSHWUWA MOQOQO****SENOTLOLO SA HO TSHWAYA:****SEKALA SA HO TSHWAYA MOQOQO****MATSHWAO: [50]**

<b>Makgetha a Tekanyetso</b>	<b>Matshwao</b>	<b>Senotlolo / dikgutsufatso</b>
<b>Dikahare le Moralo</b>	<b>30</b>	<b>DM =</b>
<b>Puo, Setaele le Tokiso ya diphoso</b>	<b>15</b>	<b>PST =</b>
<b>Sebopeho</b>	<b>5</b>	<b>Seb =</b>
<b>Matshwao ohle</b>	<b>50</b>	

**Ditaelo ho motshwai:**

- Mohlahlobuwa o lokela ho ngola ka sehlooho se le SENG feela karolong ya A.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
  - Mohlahlobuwa a Abelwe matshwao bakeng sa dikahare ho ya ka kgato ya pele feela.
  - Mohlahlobuwa a Abelwe matshwao a tshebediso ya puo ho fella kgatong ya pele feela.
  - Mohlahlobuwa a Abelwe matshwao a sebopeho ho fella kgatong ya pele feela.

Tataiso bakeng sa ho tshwaya ditema

Batshwai ba etse tse latelang ha ba tshwaya:

Ho sehellwe lentswe kapa polelo e fosahetseng mola ho be ho bontshwe mofuta wa phoso ka hodima lentswe/polelo ka tshebediso ya matshwao a latelang:

- / bakeng sa ho arola mantswa a ngotsweng a kopantswe empa a lokela ho arohana;
- -,+ bakeng sa ho kopanya mantswa a arohantsweng empa a ngolwa a kopane;
- **Mn** bakeng sa mongolo (orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotswe letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng/e sa amoheleheng kapa eo e seng ya setlwaedi;
- ^ bakeng sa lentswe kapa karolwana ya lentswe le/e siilweng pakeng tsa mantswa a mang;
- // bakeng sa ho qala seratswana se setjha/ho arola diratswana

## KAROLO YA B: DITEMA TSA KGOKAHANO

### POTSO YA 2

#### 2.1 LENGOLO LA SETSWALLE/ SETLWAEDI

##### Sebopeliso

- Aterese e nngwe, ya mongodi, mme e ngolwa e qala hodimo bohareng ba leqephe ho tloha letsohong le letshehadi ho ya ho le letona.
- Aterese e ngolwa ka mokgwa wa boloko; ha ho ngolwe matshwao a puo, ntle le ha ho sebedisitswe aterese ya lebokoso la poso.
- Aterese ya moamohedi ha e hlahiswe mofuteng ona wa lengolo;
- Ka mora mohla ho tloha mola, ebe ho tla tumedis; yona e ngolwa ka letsohong le letshehadi, haufi le moo leqephe le qalang. Hlokomela hore ha ho ngolwe letshwao la puo ka mora tumedis;
- Seratswana sa selelekela se lokela ho ba sekgutshwane, mme se omele ditaba kapa se totobatse sepheo sa lengolo;
- Mmele wa lengolo o ahwe ka diratswana tse seng kae; di ka ba tharo kapa ho feta, mme mona ke moo ya ngolang a nontshang taba tsa hae tse mabapi le sehlooho sa lengolo;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole fane ya hao.

##### Dikahare tse ka lebellwang:

Mohlalobuwa o ngola lengolo leo ho lona a kopang malome wa hae ho mo buela le batswadi ba hae hore a nke lekala la mmimo.

[25]

#### 2.2 LENGOLO LA SEMMUSO

##### Sebopeliso

- Aterese di pedi.
- Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi le selemo;
- Aterese ya ya ngollwang e ngolwa ka letsohong le letshehadi. E qala ka maemo a tshebetso a ya ngollwang ebe ho latela aterese ya hae ka botlalo;
- Tlase aterese ho ngolwa tumedis (Monghadi, mofumahadi kapa mofumahatsana), le dikgutsufatso di amohelehile (Mong/ Mof)
- Tlase tumedis ho ngolwa mola wa sehlooho – o totobatsang sepheo sa lengolo leo.
- Kamora mola wa sehlooho ho ngolwa seratswana sa selelekela seo e leng ntshetsopeliso ya ditaba.
- Qetelo ke ya semmuso, mme e ngolwa e le “Ka botshepehi, Ka boikokobetso”;
- Ya ngolang o lokela ho saena pele, a nto ngola lebitso la hae ka botlalo ka tlase.

**Dikahare tse ka lebellwang:**

Mohlalobuwa o ngolla mookamedi wa Unibesithi efe ka efe e Afrika Borwa, mme a kope sebaka sa ho ithuta selemong se tlang.

**[25]****2.3 TSA BOPHELO BA MOFU**

Ena ke tema eo ho yona ho ngolwang ditaba tse amanang le mofu.

**Matshwao a ikgethang a sebopeho sa tema ena:**

- Mofu ke mang, wa ha mang;
- Tlhaho ya hae: Sebaka moo a hlahetseng teng, letsatsi la tswalo le selemo;
- Tsa kgolo ya mofu; Dithuto, mosebetsi, lenyalo le bana,
- Tsa lefu la hae: Letsatsi le mokgwa oo a hlokaletseng ka wona;
- Mabalalo: Bao a ba siyang;
- Theneketso ya seboko sa hae.

**[25]****2.4 ATIKELE E YANG MAKASINENG**

Ena ke tokomane ya dikgokahano e yang makasineng.

**Sebopeho**

- Atikele e ba le sehlooho se matla se bileng se hohelang mahlo a mmadi;
- Lebitso la moqolotsi wa ditaba le sebaka seo atikele e ngolletseng teng di ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwane;
- Ditaba di hlahiswa ka sebopeho sa phiramiti/fanele;

**Dikahare tse ka lebellwang:**

Mohlalobuwa a thoholetse batjha ba ipopileng ho etsa mesebetsi ya matsoho ka lebaka la tlhokeho ya mesebetsi.

**[25]**

## 2.5 INTHAVIU E NGOLWANG

Ke tsela e nngwe ya puisano e ikgethang dipakeng tsa batho ba babedi kapa ho feta. E mong o tla botsa mme e mong a mo arabe ka ho fana ka tlhahisoleseding e itseng.

### Sebopeho:

- Lebitso la sebui le ngolwa ka letsohong le letshehadi la leqephe mme le latelwe ke letshwao la kgutlopedi.
- Mmotsi o nehelana ka tlhahisoleseding e amanang le sepheo sa puisano.
- Mmeleng mmotsi o botsa mmotsuwa dipotso tse tsamaelanang le sehlooho eleng ho buisana le moithuti ya ipabotseng ka ho hlahella maemong a pele puong ya Sesotho lebatoweng la habo.

### Dikahare tse ka lebellwang e ka ba tsena tse latelang:

- Mohlahlobuwa a fane ka sepheo sa inthaviu e leng ho buisana le moithuti ya ipabotseng ka ho hlahella maemong a pele puong ya Sesotho lebatoweng la habo.

[25]

## 2.6 PUO

### Sebopeho

- Puo e ka ba polelo kapa polediso ya bohlae, e tla hohela le ho qahamisa ditsebe tsa bamamedi.
- Dintlha di hlophiswe ka bokgeleke hore puo e phalle.
- Dipolelo e be tse kgutshwane, tse kenyeleditseng bonono ho natefisa puo.
- Puo e be le phallo: ho be le selelekela, mmele wa dintlha tse momahaneng le qetelo e monate.
- Dintlha e be tsa nnete.

### Dikahare tse ka lebellwang e ka ba tsena tse latelang:

- Mohlahlobuwa a lebohe ho fuwa sebaka sa ho etsa puo;
- A totobatse sepheo sa ho nehelana ka puo eo e leng ho leboha ditho tsa lekgotla la kereke tse ileng tsa nehelana ka dieta ho baithuti ba hlokanng sekolong sa habo.

[25]

**MATSHWAO OHLE A KAROLO YA B (25 x 2): 50**  
**MATSHWAO OHLE A PAMPIRI ENA: 100**



## RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlello e babatsehlang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE, MORALO LE SEBOPEHO</b>  Tshekatsheko ya sehlooho le mehopolu Tlhophiso ya mehopolu Kelohlolo ya maikemisetso, baamohedi ba ditaba, le maemo  <b>MATSHWAO A 15</b>	<b>13–15</b>  - Nehelano e babatsehlang ya sehlooho e supang bokgoni bo ikgethang - Mehopolu e matla e butswitseng - Tsebo e batsi ya makgetha a mofuta ona wa tema - Nehelano ha e kgere e tsepame sehloohong - Mehopolu le dikahare ke tse momahaneng - Dintlha tsohle di tshehetsa sehlooho mme di hlahositswe ka botebo - Sebopeliso ke se nepahetseng	<b>10–12</b>  - Nehelano e ntle haholo e bontshang tsebo e ntle ya makgetha a mofuta ona wa tema - Nehelano ha e kgere e tsepame sehloohong - Mehopolu le dikahare ke tse momahaneng, tse hlahositsweng ka botebo, mme dintlha di tshehetsa sehlooho - Sebopeliso ke se loketseng se nang le diphoso tse mmalwa	<b>7–9</b>  - Nehelano e lekaneng e bontshang tsebo ya makgetha a mofuta ona wa tema - Nehelano ha e a tsepama sehloohong ka ho phethahala ho na le ho kgera ho itseng - Mehopolu le dikahare di na le momahano e amohelhang - Ke dintlha tse itseng feela tse tshehetsang sehlooho - Ka kakaretso sebopeliso ke se loketseng empa se nang le diphoso tse itseng	<b>4–6</b>  - Nehelano ya motheo e bontshang tsebo ya makgetha a itseng feela a mofuta ona wa tema - Nehelano e na le tsepamo e itseng feela sehloohong empa e a kgera - Mehopolu le dikahare ha se ka mehla di momahaneng - Sehlooho se tshehetswa ke dintlha tse itseng feela - Sebopeliso se fofo feela, mme se na le bohloka bo boholo	<b>0–3</b>  - Nehelano e totobatsa kgaello ya tsebo ya makgetha a mofuta ona wa tema - Moelelo o nyotobetswa ke ho kgera ho hoholo - Mehopolu le dikahare ha di na momahano - Ke dintlha tse mmalwa haholo tse tshehetsang sehlooho - Ha ho na boitekoko bo entsweng ho sebedisa sebopeliso se nepahetseng
<b>PUO, SETAELE LE HO HLAOLA DIPHOSO</b>  Sehalo, rejisetara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswa, matshwao a ho bala le mopeleto  <b>MATSHWAO A 10</b>	<b>9–10</b>  - Sehalo, rejistarara, setaele, le tlotlontswe di loketse ka ho fetisisa maikemisetso, baamohedi ba ditaba le maemo - Tshebediso ya puo e nepahetse e bile e bopehile hantle - Nehelano ha e na diphoso	<b>7–8</b>  - Sehalo, rejistarara setaele, le tlotlontswe di loketse ka ho fetisisa maikemisetso, baamohedi ba ditaba le maemo - Ka kakaretso tshebediso ya puo ke e nepahetseng e bileng e bopehile hantle - Tshebediso ya tlotlontswe e ntle haholo - Nehelano boholo ha e na diphoso	<b>5–6</b>  - Sehalo, rejistarara, setaele le tlotlontswe di loketse maikemisetso, baamohedi ba ditaba le maemo - Nehelano e na le diphoso tse itseng tsa tshebediso ya puo - Tshebediso ya tlotlontswe ke e lekaneng - Diphoso ha se tse nyotobetsang moelelo	<b>3–4</b>  - Sehalo, rejistarara, setaele le tlotlontswe ha di a lokela maikemisetso, baamohedi ba ditaba le maemo hantle - Tshebediso ya puo e fosahetse e bile e tletse diphoso tse ngata - Tshebediso e seng kae ya tlotlontswe - Moelelo o nyotobetse	<b>0–2</b>  - Sehalo, rejistarara, setaele le tlotlontswe ha di dumellane le maikemisetso, baamohedi ba ditaba le maemo - Nehelano e tletse diphoso e dubakane - Tlotlontswe ha e dumellane le maemo - Moelelo o nyotobetse haholo
<b>MATSHWAO</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

**KAROLO YA B: DITEMA TSA KGOKAHANO TSE TELELE  
 SENOTLOLO SA HO TSHWAYA:  
 SEKALA SA HO TSHWAYA DITEMA TSA KGOKAHANO  
 MATSHWAO: [25]**

<b>Makgetha a Tekanyetso</b>	<b>Matshwao</b>	<b>Senotlolo</b>
<b>Dikahare le Moralo ke Sebopoho Puo, Setaele le Tokiso ya diphoso</b>	<b>15</b>	<b>DMS =</b>
	<b>10</b>	<b>PST =</b>
<b>Matshwao ohle</b>	<b>25</b>	

**Ditaelo ho motshwai:**

- Mohlahlobuwa o lokela ho ngola ka dihlooho tse PEDI karolong ena.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
  - Mohlahlobuwa a abelwe matshwao bakeng sa dikahare ho ya ka kgato ya pele feela.
  - Mohlahlobuwa a abelwe matshwao a tshebediso ya puo ho fella kगतong ya pele feela.
  - Mohlahlobuwa a abelwe matshwao a sebopoho ho fella kगतong ya pele feela.

**Tataiso bakeng sa ho tshwaya ditema**

**Batshwai ba etse tse latelang ha ba tshwaya:**

**Ho sehellwe lentse kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:**

- / bakeng sa ho arola mantse a ngotsweng a kopantswe empa a lokela ho arolwa;
- -,+ bakeng sa ho kopanya mantse a arotsweng empa a ngolwa a kopane;
- **Mn** bakeng sa mongolo (Orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotsweng letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng / e sa amoheleheng kapa eo e seng ya setlwaedi;
- ^ bakeng sa lentse kapa karolwana ya lentse le / e siilweng pakeng tsa mantse a mang.
- // bakeng sa ho qala seratswana se setjha.